

ურთიერთთანამშრომლობის გეგმარანდუმი



სსიპ დაპით აღმაშენებლის სახელობის
საქართველოს
ეროვნული თავდაცვის აკადემიასა

და

სპორტულ სარაბგო კლუბ იუნკერებს

შორის

სსიპ დაპით აღმაშენებლის სახელობის საქართველოს
ეროვნული თავდაცვის აკადემიის რეაქტორი
გრიგოლ ბენუაღი შამიძე ხელსაყრ



სსიპ სპორტული სარაბგო კლუბი იუნკერები
კლუბი იუნკერები აღმაშენებლის სახელობის
დირექტორი გიორგი ნოზაძე



ქ. გორი

16. 08, 2022



ურთიერთთანამშრომლობის მემორანდუმი

სსიპ - დავით აღმაშენებლის სახელობის საქართველოს ეროვნული თავდაცვის აკადემიასა
და

სპორტულ სარაგბო კლუბ იუნკერებს
შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემიასა

და

სპორტული სარაგბო კლუბი იუნკერები

სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში - „აკადემია“) წარმოდგენილი რექტორის ბრიგადის გენერალ მამია ზალაზაძის სახით და მეორეს მხრივ სარაგბო კლუბი იუნკერების (შემდგომში - „კლუბი“) წარმოდგენილი მისი დირექტორის, გიორგი ნოზაძის სახით (შემდგომში - „მხარეები“), ანიჭებენ რა, განსაკუთრებულ მნიშვნელობას აკადემიასა და რაგბის კლუბ იუნკერებს შორის თანამშრომლობის დამყარებასა და განვითარებას;

აღიარებენ რა თითოეული მხარის ინტერესებს, ხელი შეუწყონ ერთობლივი სპორტული ღონისძიებების განხორციელებას;

ეყრდნობიან თანასწორობისა და ურთიერთპატივისცემის პრინციპებს, თანხმებიან შემდეგზე:

მუხლი 1. მემორანდუმის საგანი

წინამდებარე ურთიერთთანამშრომლობის მემორანდუმით (შემდგომში - მემორანდუმი) მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, გამოხატავენ და ადგენენ, სპორტის სფეროში ურთიერთთანამშრომლობის საერთო მზადყოფნას.

მუხლი 2. მემორანდუმის მიზანი

მემორანდუმის მიზანს წარმოადგენს თანამშრომლობა მხარეთა საერთო ინტერესების სფეროში შემავალ აქტუალურ საკითხებზე, ერთობლივი სპორტული ღონისძიებების/აქტივობების დაგეგმვა და განხორციელება.

მუხლი 3. მემორანდუმის ამოცანები

მემორანდუმის ამოცანებია:

- 3.1. ერთობლივი სპორტული აქტივობების ორგანიზება/განხორციელება;
- 3.2. სპორტული ღონისძიებების განხორციელების ხელშეწყობა;
- 3.3. ჩასატარებელი სპორტული ღონისძიებების ფარგლებში აკადემიის შესახებ ცნობიერების ამაღლების მიზნით ინფორმაციის გავრცელების ხელშეწყობა;
- 3.4. აკადემიის შესახებ ცნობიერების ამაღლების მიზნით დაგეგმილი სპორტული ღონისძიებების/აქტივობების აკადემიის ლოგოიანი სპორტული ტანისამოსით (მაისურებით) განხორციელება;
- 3.5. დაგეგმილ სპორტულ ღონისძიებებში აკადემიის წარმომადგენლების (მათ შორის იუნკერი/მსმენელი) მოწვევა;
- 3.6. სპორტული ღონისძიებების ორგანიზებაში გამოცდილების გაზიარება, მხარეების წარმომადგენლების ჩართვა რეგულარულ სპორტულ აქტივობებში;
- 3.7. თანამშრომლობის მიზნების მისაღწევად კანონმდებლობით ნებადართული სხვა ღონისძიებების განხორციელება.

მუხლი 4. მხარეთა უფლებამოსილებები

- 4.1. წინასწარი თანხმობის საფუძველზე, მხარეებს უფლება აქვთ, ერთობლივი ღონისძიებების ჩატარებისა და ერთობლივი პროექტების განხორციელებისათვის გამოიყენონ მეორე მხარის კუთვნილი რესურსები;
- 4.2. რაგბის კლუბი იუნკერები უფლებამოსილია აკადემიის ტერიტორიაზე განთავსდეს სპორტული აქტივობების განხორციელების პერიოდში, ფიზიკური მომზადების უზრუნველყოფის მიზნით წელიწადში ჯამში 30 დღის განმავლობაში, აკადემიასთან წინასწარ შეთანხმებით განსაზღვრული პერიოდულობით;
- 4.3. აკადემიაში ყოფნის პერიოდში, რაგბის კლუბი იუნკერები იღებს ვალდებულებას გაითვალისწინოს აკადემიაში მოქმედი რეგულაციები, ისარგებლოს აკადემიის ბაზაზე არსებული მხოლოდ იმ ტერიტორიით (მათ შორის შენობა/ნაგებობებით) რომელით სარგებლობის უფლებაც განემარტება აკადემიის ბაზაზე განთავსების დღეს ჩატარებული შეხვედრის/ინსტრუქტაჟის ფარგლებში;
- 4.4. აკადემიაში ყოფნის პერიოდში, რაგბის კლუბი იუნკერები იღებს ვალდებულებას გაითვალისწინოს აკადემიაში მოქმედი უსაფრთხოების წესები;
- 4.5. აკადემიის ბაზაზე ყოფნის პერიოდში, ფიზიკური აქტივობების/სპორტული ღონისძიებების მიმდინარეობის დროს რაგბის კლუბი იუნკერების წარმომადგენლების მიერ მიღებული ფიზიკური დაზიანების, ტრავმის, ჯანმრთელობის მდგომარეობის ნებისმიერი სახის გაუარესების შემთხვევაში, რაგბის კლუბი იუნკერები იღებს ვალდებულებას აღნიშნული შემთხვევების მოგვარების/საჭირო ღონისძიებების განხორციელების უზრუნველყოფის თაობაზე, ხოლო მსგავსი ფაქტის დაფისქირების შემთხვევაში აკადემია, განხორციელებს მხოლოდ პირველადი სამედიცინო დახმარების გაწევას და თავისუფლდება ყოველგვარი პასუხისმგებლობისაგან.

- 4.6. მემორანდუმი არ ითვალისწინებს მხარეებს შორის რაიმე სახით და/ან ფორმით ფინანსური ვალდებულებების წარმოშობას, თუ სხვა რამ არ იქნა დადგენილი დამატებითი შეთანხმების საფუძველზე.
- 4.7. წინამდებარე მემორანდუმი, აუქმებს მხარეებს შორის ამ მემორანდუმის გაფორმებამდე არსებულ მემორანდუმს/მემორანდუმებს.

მუხლი 5. ფორსმაჟორი

მხარე, რომელსაც ფორსმაჟორული გარემოებების გამო ხელი შეეშლება ამ მემორანდუმის საგნით განსაზღვრული თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად და ფორსმაჟორულ გარემოებათა შედეგების შესამსუბუქებლად გამოყენებულ უნდა იქნას ყველა შესაძლო საშუალება. ამავე დროს მხარეებმა ერთმანეთთან უნდა აწარმოონ კონსულტაციები წინამდებარე მემორანდუმის შემდგომი განხორციელების საშუალებებზე.

მუხლი 6. მემორანდუმის მოქმედების ვადა და შეწყვეტა

- 6.1. წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს 1 (ერთი) წლის ვადით. მემორანდუმის მოქმედების ვადის გაგრძელება შესაძლებელია ორმხივი თანხმობის შემთხვევაში.
- 6.2. მიზეზის დასახელების გარეშე წინამდებარე მემორანდუმის გაუქმება შესაძლებელია მეორე მხარისთვის 15 (თხუთმეტი) კალენდარული დღით ადრე წერილობითი შეტყობინების მიწოდების საფუძველზე;
- 6.3. კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 7 (შვიდი) კალენდარული დღით ადრე წერილობითი შეტყობინების საფუძველზე;
- 6.4. მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან, განახორციელონ ყველა შესაბამისი და აუცილებელია ღონისძიება მემორანდუმის ფარგლებში დაწყებული პროექტების დასასრულებლად;
- 6.5. ამ მემორანდუმის მე-4 მუხლის „4.3.“ და „4.4.“ პუნქტებით განსაზღვრული ვალდებულებების რაგბის კლუბი იუნკერების მიერ დარღვევის შემთხვევაში აკადემია უფლებამოსილია ცალმხრივად შეწყვიტოს მემორანდუმი, რაც ასევე გამოიწვევს დამრღვევი მხარისათვის, მემორანდუმის შეწყვეტის თაობაზე შეტყობინების მიღების შემდგომ აკადემიის ბაზის დაუყოვნებლივ დატოვების ვალდებულებას.

მუხლი 7. დასკვნითი დებულებები

- 7.1 მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით);
- 7.2 მხარეთა ორმხრივი წერილობითი შეთანხმების საფუძველზე, მემორანდუმში შესაძლებელია შეტანილ იქნას ცვლილებები და დამატებები, რომლებიც მემორანდუმის განუყოფელ ნაწილს წარმოადგენენ.
- 7.3 მემორანდუმის შესრულებასა და განმარტებასთან დაკავშირებული სადავო საკითხები გადაიჭრება მხარეთა შორის კონსულტაციებისა და მოლაპარაკებების გზით. შეთანხმების მიუღწევლობის შემთხვევაში, დავას განიხილავს საქართველოს სასამართლო.
- 7.4 მემორანდუმი შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

მხარეთა რეკვიზიტები და ხელმოწერა

სსიპ - დავით აღმაშენებლის
სახელობის საქართველოს
ეროვნული თავდაცვის აკადემია

ააიპ სპორტული სარაგბო კლუბი
იუნკერები

რექტორი ბრიგადის გენერალი

კლუბის აღმასრულებელი დირექტორი

მამია ბალაბაძე



მის: ბინვალის გზატკეცილი, მე-3 კმ.
გორი, საქართველო
ვებგვერდი: www.eta.edu.ge
ელფოსტა nda@mod.gov.ge
ს/კ 218083222

გიორგი სოზაძე



მის: ბარნოვის 80,ბ4
ელფოსტა jankersrugby@gmail.com
ს/კ 404425369